



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-478-3/22**
Datum: **17.10.2022. godina**

«Agencija za vodno područje rijeke Save» Sarajevo rješavajući po zahtjevu pravnog lica „BINGO” d.o.o. – export-import Tuzla, PJ „BINGO OIL” Tuzla za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta- prerada biljnih ulja u biodizel u krugu poslovne jedinice "Dita 1997-industrija deterdženata" koja se nalazi u ulici Husinskih Rudara bb, Tuzla, na osnovu člana 139. stav (1) Zakona o vodama («Službene novine Federacije BiH, broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev pravnog lica „BINGO” d.o.o. –export-import Tuzla PJ „BINGO OIL” Tuzla za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta- prerada biljnih ulja u biodizel u krugu poslovne jedinice "Dita 1997-industrija deterdženata" koja se nalazi u ulici Husinskih Rudara bb, Tuzla, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Pravno lice „BINGO” d.o.o. –export-import Tuzla PJ „BINGO OIL” Tuzla zahtjevom zaprimljenim u ovoj Agenciji dana 14.09.2022 godine zatražilo je izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta- prerada biljnih ulja u biodizel u krugu poslovne jedinice "Dita 1997-industrija deterdženata" koja se nalazi u ulici Husinskih Rudara bb, Tuzla.

U provedenom postupku dostavljena je i pregledana sljedeća dokumentacija:

- Rješenje o izmjenama podataka u sudskom registru broj: 032-0-Reg-22-001217 od 09.08.2022. godine, izdato od strane Općinskog suda u Tuzli- ovjerena kopija,
- Kopija uvjerenja o poreskoj registraciji izdato od strane Kantonalnog poreznog ureda Tuzla dana 05.02.2013 godine
- Odgovor na upit o potrebi oklonske dozvole broj: 05/2-19-494/22 od 30.08.2022 godine dat od strane Federalnog ministarstva okoliša i turizma,
- Rješenje o vodnoj dozvoli broj: UP-1/21-3-40-030-3/22 od 04.04.2022 godine izdato od strane «Agencija za vodno područje rijeke Save» Sarajevo,
- Rješenje o vodnoj dozvoli broj: 04/1-11-21-4134/22 od 31.05.2022 godine izdato od strane Ministarstva poljoprivrede, šumarstva i vodoprivrede Tuzlanskog kantona,
- „Studija upravljanjem otpadnim jestivim uljem PJ „BINGO OIL” Tuzla, urađena od strane «EKOSOL» Tuzla, oktobar 2021. godine;
- Dokaz o uplaćenju upravnoj taksi.

Na osnovu uvida u Studiju i dostavljenu dokumentaciju utvrđeno je sljedeće:

- Prostor u koji će biti smješten Procesor za preradu otpadnih jestivih ulja u biodizel nalazi se u jednom od poslovnih objekata u krugu poslovne jedinice „DITA 1997 industrija deterdženta,” koja se nalazi u ulici Husinskih Rudara bb, Tuzla.
- Biodizel procesor je tipa Profi, kapaciteta 1000 l/dan trajanje procesa 4h/160 l. Kao sirovinu koristit će se otpadno jestivo ulje iz ugostiteljskih objekata društva „BINGO” d.o.o. Tuzla i potencijalnih partnera. Profi procesor je zatvoreni sistem proizvodnje biodizela gdje se hemija

dozira automatski sa kompresorom, Miješanje otpadnih ulja i hemije se odvija u posebnim za to predviđenim posudama.

- Otpad koji će nastajati od filtriranja otpadnih jestivih ulja će se nakon hemijske analize zbrinjavati ovisno od rezultata analize od strane komunalnog preduzeća na deponiju ili od strane operatera za upravljanje otpadom.
- Glicerol koji će nastajati u procesu prerade ulja će se odlagati u posebne spremnike i dalje će se koristiti kao sirovina za dobijanje sapuna i ekološkog antifrizu.
- Ukoliko u procesu proizvodnje dođe do prosipanja otpadnih jestivih ulja ili biodizela isti će se pokupiti drvenom piljevinom i prikupiti a zatim spajivati u pećima jer je ekološki ispravan.
- Skladištenje otpadnih jestivih ulja će se vršiti u kontejneru od 1000l kao skladištenje biodizela u kontejneru od 1000l.
- Biodizel će se koristiti za vlastite potrebe kao gorivo na benzinskoj stanici koja je u vlasništvu podnosioca zahtjeva i nalazi se u Bosanskoj poljani, Tuzla a za istu je izdato Rješenje o vodnoj dozvoli broj: UP-1/21-3-40-146-4/22 od 08.04.2022 godine od strane ove Agencije.
- U procesu proizvodnje se ne koristi voda tako da ne nastaju tehnološke otpadne vode.
- Oborinske onečišćene vode sa platoa će biti prikupljene i spojene na internu instalaciju kanalizacije postojećeg objekta na lokaciji- pogona za proizvodnju deterdženata, sredstava za dezinfekciju sredstava i sredstava za pranje i poliranje, odnosno tretman istih će se vršiti na postojećem separatoru.

U planiranom objektu neće nastajati tehnološke otpadne vode iz procesa rada, odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama kao ni oborinskih onečišćenih voda kako je to utvrđeno odredbama članom 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), pa je sukladno navedenom riješeno kao u dispozitivu rješenja.

Pravno lice „BINGO“ d.o.o. –export-import Tuzla za PJ „DITA 1997 industrija deterdženta koja se nalazi na predmetnoj lokaciji izdato Rješenje o vodnoj dozvoli za ispuštanje otpadnih voda sa uslovima broj: UP-1/21-3-40-030-3/22 od 04.04.2022 godine, izdato od ove Agencije.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za zduvanje vodnih akata


Haris Ališehović, dipl.inž.građ.

Dostaviti:

- «Bingo» d.o.o. Tuzla, Bosanska Poljana bb, Tuzla
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava